

"মিষ্টি বাচ্চারা : - তোমাদের, নিজেদের তন - মন এবং ধনের সাহায্যে ভারতকে পবিত্র বানানোর সেবা করতে হবে, এই ভারতকে মায়া রাবণের থেকে উদ্ধার করতে হবে

প্রশ্ন : - যে বাচ্চারা দেহী - অভিমানী থাকার পুরুষার্থ করে, তারা কোন্ দুষ্চিন্তার থেকে মুক্ত হয়ে যায় ?

উত্তর : - এই যে পুরানো শরীরের কর্মভোগ, যা প্রতি মুহূর্তে নানাভাবে ভোগ করতে হয়, কর্মের হিসেব - নিকেশ শোধ করতে হয়, এর দুষ্চিন্তা থেকে তারা মুক্ত হয়ে যায় কেননা তাদের বুদ্ধিতে থাকে - এখন তো আমাদের পুরানো হিসেব - নিকেশ শোধ করে কর্মভোগ হতে হবে। তখন অর্ধেক কল্পের জন্য কোনো প্রকারের রোগ আমাদের কাছে আর আসবে না। বাবা এমন ফার্স্ট - ক্লাস নেচার - কিওর করে দেন যে রোগের নামমাত্রও থাকে না।

গীত : - তুমিই মাতা, পিতাও তুমি....

ওম্ শান্তি। বাচ্চারা এই গান শুনেছে। বাচ্চারা জানে যে, আমরা পতিত - পাবন মাতা - পিতার সামনে বসে আছি। পতিত ভারতকে পবিত্র বানানোর জন্য আমরা শ্রীমতে চলছি, কারণ তোমরা বাচ্চারা এই পরমপিতা পরমাত্মার সঙ্গে সেবায় আছো। বাবাও এই একই সেবায় আছেন। বাচ্চারা তো এই কথা জানে যে, বরাবর ভারত পবিত্র ছিলো। এখন তা পতিত হয়েছে। পবিত্র দুনিয়া পাঁচ হাজার বছর আগে ছিলো। দুনিয়া এই কথা কিছুই জানে না। এখন বাচ্চারা তোমরা, বাবার শ্রীমতে চলে তন - মন এবং ধনের সাহায্যে ভারতের সেবা করছো। ভারতকে মায়া রাবণের শিকল মুক্ত করে রামরাজ্যের স্থাপন করছো। এ কথা তো তোমরা যে কোনো মানুষকেই বোঝাতে পারো। আমরা পতিত ভারতকে পবিত্র বানাতে এসেছি তাই অবশ্যই পবিত্র হতে হবে। এই পবিত্রতার উপরই ঝগড়া চলে। কোনো না কোনো অসুবিধার সৃষ্টি হয়। ওদের হলো হিংসার লড়াই আর তোমাদের হলো রাবণ রুপী পাঁচ বিকারের সঙ্গে লড়াই। তোমরা এ কথাও জানো যে, কল্প - কল্প আমরা শ্রীমতে চলছি। এই সময় সম্পূর্ণ দুনিয়া রাবণের মতে চলছে। শ্রীমতে চলে তোমরা দৈবী মত সম্পন্ন দেবতা হও। এখন তোমরা হলে ব্রাহ্মণ বর্ণের। তোমরা সম্পূর্ণ দুনিয়াকে পতিত থেকে পবিত্র বানাও। বেহদের বাবা আসেন বাচ্চাদের কাছে। বাচ্চারা বলে, আমরা তন - মন - ধন দিয়ে এই ভারতকে আবার দৈবী রাজ্য বানাই কেননা সত্যযুগের আদিতে ভারত রাজস্থান ছিলো। আমরা এখন আমাদের সেই দৈবী রাজ্য স্থাপন করছি। যেমনভাবে কংগ্রেসরা একসাথে মিলে সাহায্য করেছিলো। বাপু গান্ধী জী তাঁর তন - মন এবং ধনের সাহায্যে সেবা করেছিলেন। জেলে যেতেন, এ তো শরীরেরই সেবা হলো, তাই না। মনও ওতেই লেগে ছিল। এখন তোমরা জানো যে, বাবা মায়া রাবণের হাত থেকে উদ্ধার করেন। ইনি হলেন বেহদের বাবা আর উনি ছিলেন ভারতের বাপু জী। উনি সকলের বাপু ছিলেন না। এমনিতেই বয়স্ক মানুষকে বাপু জী বলা হয়। মেয়রকেও বাপু জী বলে। ফাদার্স তো অনেকই আছে। তোমাদের বাবা হলো একজন। দ্বিতীয় আর কেউই নেই। বেহদের বাপু হলেন একজন - শিববাবা, তিনি এখন এই ভারতকে পবিত্র বানাবার সেবায় উপস্থিত হয়েছেন। অবশ্যই তিনি কারোর শরীরেই এসেছিলেন। সাথে তো সাহায্যকারীও থাকবে। একা তো করবেন না। তোমরা হলে শিবশক্তি সেনা। তোমাদের বোঝাতে খুব সহজ হবে। কংগ্রেসীরাও তো কতো সহ্য করেছিলো।

অবলারাও জেলে গিয়েছিলো। পুরুষরাও অনেক কষ্ট করেছিলো। এখন মায়েরা, তোমাদেরও এই বিশ্বের কারণে অনেক দুঃখ সহ্য করতে হয়।

তোমরা বোঝাতে পারো যে, বাবা এসেছেন নতুন সৃষ্টির রচনা করতে। তাই প্রথমেই তো ব্রাহ্মণ চাই। ব্রাহ্মা মুখ বংশাবলী ব্রাহ্মণ তোমরা এখন, এরপর তোমরা দৈবী অর্থাৎ বিষ্ণুর বংশাবলী হও। এ কথা বুদ্ধিতে থাকা উচিত। বরাবর আমরাই বাবার সাথে সাহায্যকারী। শ্রীমত অনুযায়ী তো হাজার, লাখ মানুষকে চলতে হবে। বাপুও অনেক বড় সেনা ছিলো। তাদের মধ্যেও কেউ নামীদামী, কেউ আবার সাধারণ। সেই বাপু ফিরিঙ্গিদের (ইংরেজ) থেকে উদ্ধার করেছিলেন। বাচ্চারা, বাবা এখন তোমাদের শত্রু রাবণের হাত থেকে উদ্ধার করার জন্য শ্রীমত দিচ্ছেন। তিনি যেমন বলছেন, আমরা তেমন স্বরাজ্য স্থাপন করছি। তাই প্রতি পদে শ্রীমত নিতে হবে। এই শ্রীমতেই আমরা শ্রেষ্ঠ হবো। প্রত্যেকেরই কর্ম বন্ধন তাদের নিজের - নিজের। কর্মভীত অবস্থা প্রাপ্ত করার জন্য অন্ত পর্যন্ত তোমাদের পুরুষার্থ করতে হবে। এখনও কর্মভীত অবস্থা আসে নি। এখনো অনেক পুরুষার্থ করতে হবে। কর্মভীত অবস্থা এমনই যেখানে শরীরেরও কোনো দুঃখ থাকবে না। পুরানো শরীরের তো অন্ত পর্যন্ত দুঃখ হতেই থাকে। এমন নয় যে সবাই সম্পূর্ণ হয়ে গেছে। কর্মভোগ তো শোধ করতেই হবে। যতক্ষণ না কর্মভীত অবস্থা আসে ততক্ষণ মায়ার ঝড়, কর্মের হিসেব - নিকেশের ভোগ চলেই আসবে। এ নিয়ে দৃষ্টিভ্রান্তি করো না। বাবাকেই স্মরণ করতে হবে। বাবা বলেন, তোমরা দেহী - অভিমানী হও। এই অক্ষর এখনকারই, যার গায়ন আছে। মানুষ তো জানেই না - এর অর্থ কি? এখন তোমরা জানো যে - সোল কানসাস হলে তোমরা একা হয়ে বাবাকে স্মরণ করতে পারো। এখন সোল কানসাস হতে হবে। এই পুরুষার্থ করতে হবে -- আমি আত্মা, বাবাকে স্মরণ করছি। সর্বব্যাপী বললে আমরা কাকে স্মরণ করবো? বাবা বুঝিয়েছেন, শান্তির জন্য কোথাও যেতে হবে না। কর্ম তো আমাদের করতেই হবে। অশরীরী হয়ে থাকতে হবে। আমরা আত্মা আর এই হলো আমাদের শরীর। আত্মার স্বধর্মই হলো শান্ত। আমরা কোনো বাজনা বাজাই না। ওই সন্ন্যাসী আদিরা তো হঠযোগ করে, প্রাণায়াম করে। তারপর তারা মাটির তলায় গর্তে গিয়েও অভ্যাস করে। এখানে হঠযোগের কোনো কথাই নেই। কেবলমাত্র এই জ্ঞানকে বুঝতে হবে। গড ফাদারের এই জ্ঞানকে কেউই জানে না। না হলে তারা বলে দেয় যে গড ফাদার সর্বব্যাপী। একেই বলা হয় মিথ্যা জ্ঞান। তোমরা এখন বাবাকে জানো। সকলের বাবাই হলেন এক। তিনি এসেই এই সৃষ্টিকে পতিত থেকে পবিত্র করেন। তোমরা হলে সেই বাবার সাহায্যকারী। তোমরা পতিত থেকে পবিত্র হয়ে আবার পবিত্র দুনিয়ায় যাবে। সেখানে হলো পবিত্র দৈবী রাজত্ব। সেই পবিত্র দুনিয়ার জন্য তোমরা রাজযোগ শিখছো। তিনিই আবার টিচার হয়ে তোমাদের এই সৃষ্টিচক্রের জ্ঞান দেন। যেই জ্ঞানে তোমরা স্বদর্শন চক্রধারী হয়ে চক্রবর্তী রাজা - রানী হতে পারো। গৃহস্থ জীবনে থেকেও এই অবস্থা তৈরী করতে হবে। তোমাদের তো কতো সহ্য করতে হয়। মার খাও, এই যজ্ঞে অসুরদের কতো বিঘ্ন সৃষ্টি হয়। বিকারের কারণে অবলাদের উপরে কতো অত্যাচার হয়। কংগ্রেসীরা ওই জেলে যেতো আর তোমরা আবার কংস, জরাসন্ধের জেলে বদ্ধ আছো। কিছু তো সহ্য করতেই হয়। না হলে ভারতবাসীদের নিয়ম হলো ৬০ বছরের পরে বাণপ্রস্থ অবস্থাকে ধারণ করা। তখন সংসার জীবন ত্যাগ করে সংসারের চাষি বাচ্চাদের দিয়ে বলে, তোমরা সামলাও। সুপুত্রা খুব ভালোভাবে তা সামলাতো। বাবা তাদের যত্ন করে বড় করেছে, এখন বাচ্চাদের দায়িত্ব হলো তা সামলানো। তারা বলবে -- তোমরা সংসঙ্গ আদি করো, আমরা এই সংসারের দেখভাল করবো। আজকালকার বাচ্চারাও শত্রু হয়ে গেছে।

বাচ্চারা, তোমাদের যুদ্ধ মায়া রাবণের সঙ্গে । ওরা গান্ধীর মতে ফিরিস্দিদের থেকে উদ্ধার করেছিলেন ।

তোমাদের উপর মায়া রাবণ ২৫০০ বছর রাজত্ব করেছে । এই মায়া খুবই শক্তিশালী । ওদের তো উদ্ধার করতে ৪০ - ৫০ বছর লাগে । পরিশ্রম লাগে । এখানেও তোমরা শ্রীমতেই জয় পাও । রাবণ তোমাদের অনেক পুরানো শত্রু । তোমাদের গুলি করে এই মায়ার শত্রু । কাম হলো সবথেকে বড় বাম । এই মায়ার থেকে খুব সাবধান থাকতে হবে । বাবা বলেন, তোমরা যত স্মরণ করবে ততই তোমাদের খুশীর পারদ চড়তে থাকবে । তোমরা জানো যে, আমরা ঈশ্বরের সন্তান হয়েছি । তাঁরই শ্রীমতে স্বরাজ্য স্থাপন করছি ২১ জন্মের জন্য । কংগ্রেসীরা স্বরাজ্য নিয়েছিলো অল্পকালের জন্য । সে কোনো স্বরাজ্য নয়, আরোই সমস্যা । তোমরা কিন্তু জানো যে, মৃগতৃষ্ণার সমান রাজ্য পেয়েছিলাম । কংগ্রেস কিভাবে হয়েছিলো সে কথা গীতা - ভাগবতে নেই । এখন তোমরা বুঝতে পারো যে, তারা কিছুই পায় নি । খুব অল্প কয়েকজন এম.পি, আদি হয়েছিলো, তাও অল্পকাল ক্ষণভঙ্গুর সময়ের জন্য । এখন তো সবাই দুঃখী । আমরা এখন স্বর্গের স্থাপনা করছি । এই ড্রামাতে বিজয় তো তোমাদের দ্বারাই নিহিত আছে । তোমরা এখন রাজযোগ শিখছো । তোমরা জানো যে, আমরা সূর্যবংশী হবো । বাবা জিজ্ঞেস করেন, তোমরা সূর্যবংশী হওয়ার জন্য পুরুষার্থ করছো নাকি চন্দ্রবংশী হওয়ার জন্য ? তখন বলে, আমরা সূর্যবংশীতে যাওয়ার জন্য করছি । মাম্মা - বাবা যারা বলে তারা তো অবশ্যই সূর্যবংশী হবে । একেই বলা হয় - ফলো ফাদার - মাদার । তিনি তো মাতা - পিতা, তাই না । এঁরা সূর্যবংশী মহারাজা - মহারানী হয় । এ তো সবাই একশো প্রতিশত নিশ্চিত । মাতা - পিতাও তাঁর বাচ্চাদের বলেন, তোমাদেরও পুরুষার্থ করে হৃদয়াসনের অধিকারী হওয়া চাই । পুরুষার্থ করে তাঁদের অনুসরণ করা উচিত ।

কেউ যদি শুভ কথা কিছু বলে তাহলে বলা হয় -- আচ্ছা, তোমার মুখে গোলাপ । আরে, সূর্যবংশী হওয়া খোড়াই কম কথা । হীরে - জহরতে সাজানো কতো বড় মহল থাকবে । কতো উঁচু পদ । বিচার করলে রোমাঞ্চিত হতে হয় । বাবা আমাদের কতো উঁচু বানান । আমরা তো আগে কিছুই জানতাম না । গ্রামের ছোঁড়া - এই গায়ন তো আছেই । কৃষ্ণ কোনো গ্রামের ছোঁড়া ছিলো না । এখানে গ্রামের কতো এসেছে । গরীবদেরও অনেক সৌভাগ্য । সাহকারদের তো হৃদয় বিদীর্ণ হয়ে যায় । বাবা বলেন, আমি হলমই গরীবের ভগবান । তোমরা তো দেখতে পাও, কে কে আসে অবিনাশী আশীর্বাদী বর্ষা নেওয়ার জন্য । তাই কেউ এলেই বলবে - আমরা ভারতের সেবায় আছি । আমরা তন - মন এবং ধনের সাহায্যে ভারতকে স্বর্গ বানানোর সেবা করি । তাই কোনো ইনকাম ট্যাক্স অফিসার তোমাদের চট করে মার করে দেবে । ওই গভর্নমেন্টের কাছে তো অনেক টাকা নষ্ট হয় । তোমাদের অর্থ তো ভারতকে উর্বর করে । এখানে কতো তফাত ? যাকেই বোঝাও না কেন, তারা চমকে যাবে, বলবে - আহা , এরা তো অনেক বড় সেবা করবে । এমনভাবে সেবা করো । তোমরা খুবই মিষ্টি স্বভাবের হও । সত্য সাহেবের কাছে সত্য হয়ে থাকতে হবে । এই সত্য সাহেবকে স্মরণও করতে হবে । সত্য খন্ডের মালিক যদি হতে চাও তাহলে সত্য বাবাকে নিরন্তর স্মরণ করার অভ্যাস করো । প্রতি মুহূর্তে সুখ পাও । এমন আর এখন কেউই নেই যাদের কলহ - ক্লেশ দূর হয়েছে । কিছু না কিছু অসুখ - বিসুখ হতেই থাকে । ওখানে তোমাদের কিছুই হবে না । বাবা এমনই নেচার কিওর করে দেন যে তোমরা কখনোই রোগী হবে না । ২১ জন্মের জন্য তোমরা নিরোগী হয়ে যাও । তাই এমন নেশায় থাকা উচিত । তফাত বোঝো - পাণ্ডবরা কি করেছিলো আর কৌরবরা কি করেছিলো

। ওই বাপু জী কি করেছিলো আর এই বেহদের বাপু জী কি করছে ? বাবা তোমাদের রাবণের শৃংখল থেকে মুক্ত করেন । সেই বাবাকে স্মরণ করলে তোমাদের বিকর্ম বিনাশ হবে । ইনি হলেন একাধারে বাবা, টিচার আর সঙ্করুও । আমাদের মাথায় জন্ম - জন্মান্তরের পাপের বোঝা আছে । এর থেকে পবিত্র হওয়ার একটাই উপায় । ওই গঙ্গা জল কাউকেই পবিত্র করতে পারে না । এই বাবার স্মরণই পবিত্র করে আমাদের । এমন নয় যে নির্ণা সহকারে বসতে হবে । হ্যাঁ, বসাও খুবই ভালো । একে অপরের শক্তিতে বসে থাকতে পারবে । বাবা কিন্তু বলেন - যেভাবেই বসো না কেন, স্মরণ তো চলতে - ফিরতে, কার্য করেও করতে হবে । ওই স্কুলেও টিচার যখন পড়ায় তখন স্টুডেন্টরা তো অবশ্যই টিচারকে মনে করে । বাচ্চাদের বুদ্ধিতে এই কথা বসে যাওয়া উচিত যে, আমাদের বাবা পড়াচ্ছেন । এমন কেউই নেই যারা এই বাবা - টিচারকে স্মরণ করবে না । তোমরা জানো যে, এখন আমাদের ফিরে যেতে হবে তাই সঙ্করুকে তো স্মরণ করতেই হবে । তোমরা সবাইকে আশ্চর্যের কথা শোনাও । আমাদের বাবা - টিচার - সঙ্করু হলেন সত্য বাবা - সত্য টিচার এবং সত্য সঙ্করু । সত্য সঙ্গই উদ্ধার করে, অর্থাৎ মুক্তি - জীবন মুক্তিতে নিয়ে যায় । এই পুরানো দুনিয়া থেকে সবাই ফিরে যাবে । আবার এসে নতুন দুনিয়ায় রাজ্য করবে । এ হলো তোমাদের দৌড় প্রতিযোগিতা - বেহদের ঘোড়দৌড় । সবাই বলে, আমরা যেন প্রথমে পৌঁছাই, তাই স্মরণ তো করতেই হবে । স্টুডেন্টকে দৌড় করানো হয় । যত পুরুষার্থ করবে ততই বিজয় মালায় গ্রথিত হবে । আচ্ছা ।

মাতা - পিতা, বাপদাদার মিষ্টি - মিষ্টি হারানিধি বাচ্চাদের প্রতি হৃদয় থেকে ভালোবাসার স্মরণ । তোমরা খুবই প্রিয় এবং সুন্দর হও । আমরাই সেই পূজ্য দেবী - দেবতা ছিলাম আবার আমরাই পূজ্য দু কলা কম পূজ্য ঋত্রিয় চন্দ্রবংশী হয়েছি । তারপর আমরা পূজারী বৈশ্য বংশী, শূদ্র বংশী হয়েছি । এখন আমরা আবার শ্রীমতে চলে পূজারী থেকে পূজ্য হচ্ছি । এই চক্র বুদ্ধিতে ঘুরতে হবে । আচ্ছা - রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১) ভারতের সমৃদ্ধির জন্যও নিজের তন - মন এবং ধনকে সফল করতে হবে । খুবই মিষ্টি হয়ে সেবা করতে হবে । সত্য খণ্ড স্থাপনা করার জন্য স্বচ্ছ হতে হবে ।

২) বিজয় মালায় গ্রথিত হওয়ার জন্য স্মরণের দৌড় করতে হবে । চলতে - ফিরতে, কার্য করাকালীন বাবা - টিচার - সঙ্করুকে স্মরণ করতে হবে ।

বরদান : - ত্যাগ আর তপস্যার পরিবেশের দ্বারা বিঘ্ন - বিনাশক হয়ে প্রকৃত সেবাধারী ভব

বাবার যেমন অনেক বড় টাইটেল হল ওয়ার্ল্ড সার্ভেন্ট । এমনিতে বাচ্চারাও ওয়ার্ল্ড সার্ভেন্ট অর্থাৎ তারাও সেবাধারী । সেবাধারী অর্থাৎ ত্যাগী আর তপস্বী । ত্যাগ আর তপস্যা যেখানে আছে সেখানে ভাগ্যকে তো তার সামনে দাসীর মতো আসতেই হবে । সেবাধারীরা হলো দাতা, গ্রহীতা নয় তাই সদা নির্বিঘ্ন থাকে । তাই সেবাধারী মনে করে ত্যাগ আর তপস্যার পরিবেশ তৈরী করলে সদা বিঘ্ন বিনাশক থাকতে পারবে ।

স্লোগান : - যে কোনো পরিস্থিতিতে মোকাবিলা করার সাধন হলো - স্ব স্থিতির শক্তি ।

